

## 09.03 MARELLA

### Il magliacudeschs – Fimar e siemiar

*En il magliacudeschs discurra Esther Krättli cun giasts davart cudeschs che dattan en egl.*



En il center da l'emissiun stattan dus cudeschs che discurran da gronds siemis, ma betg tuts èn s'accumplids. Ils giasts dal «Magliacudeschs» èn questa giada Fadrina Hofmann e Roman Caviezel. Protagonist da «Panuglias da fim» da Vio-la Cadruvi è Benedetg Deplazes che viva dapi in pèr mais en l'asil da vegls. Tut para paschaivel, fin che sia stgatletta da ciga-rettas d'argent svanescha in bel di. Benedetg vul chattar il lader e sa metta sin in viadi che leventa caos, protest, scumbigl e regurdientschas gia daditg stgatschadas. Il roman «Greta und Jannis» da l'autura Sarah Kuratle raquinta sco en in siemi fantastic l'istorgia fascinanta, ma era tra-gica dals dus protagonists che s'inamu-reschan senza savair ch'els èn fragliuns. Il cudesch è scrit en ina lingua poetica cun maletgs surreals che fan endament la pa-raula da Gionin e Grettina.

*Redacziun: Esther Krättli*